

Na osnovu člana 5. stav (1) tačka h) i člana 19. stav (1) tačka c) Zakona o Agenciji za bankarstvo Federacije Bosne i Hercegovine ("Službene novine Federacije BiH", broj: 75/17) i čl. 223. i 248. Zakona o bankama ("Službene novine Federacije BiH", broj: 27/17), Upravni odbor Agencije za bankarstvo Federacije Bosne i Hercegovine, na sjednici održanoj 08.11.2017. godine donosi

**ODLUKU  
O POSTUPKU ZA UTVRĐIVANJE POTRAŽIVANJA I RASPODJELE AKTIVE I  
PASIVE PRILIKOM LIKVIDACIJE BANKE**

Član 1.

Ovom odlukom se bliže propisuje postupak za utvrđivanje potraživanja i raspodjele aktive i pasive odnosno prioriteta prilikom raspodjele aktive i pasive u postupku likvidacije banke.

Član 2.

- (1) Pod potraživanjem odnosno aktivom banke, u smislu člana 1. ove odluke podrazumijevaju se:
- a) stavke aktive bilansa stanja banke i
  - b) stavke vanbilansnih evidencija banke koje predstavljaju:
    - 1) potencijalna potraživanja banke,
    - 2) ranije otpisani kreditni i slični gubici i
    - 3) stavke svih instrumenata koje je banka uzela od svojih dužnika za osiguranje naplate svojih potraživanja (kolareta).
- (2) Pod pasivom banke, u smislu člana 1. ove odluke, podrazumijevaju se:
- a) stavke obaveza iz bilansa stanja banke i
  - b) stavke vanbilansnih evidencija banke koje predstavljaju njene potencijalne obaveze prema drugim licima kao što su npr. izdate garancije, izdati akreditivi i drugi slični instrumenti. Svoja potraživanja, koja čine pasivu iz stava 2. ovog člana, vjerovnici su dužni prijaviti likvidatoru u skladu sa članom 222. Zakona o bankama (u daljem tekstu: Zakon).

Član 3.

Postupak isplate obaveza banke u likvidaciji provodi se po prioritetima u skladu sa odredbama člana 227. Zakona. Isplata obaveza banke u postupku likvidacije vrši se u skladu sa planom likvidacije koji je sastavni dio izvještaja o finansijskom stanju banke sačinjenog od likvidatora i odobrenog od Agencije za bankarstvo Federacije Bosne i Hercegovine.

Član 4.

Prebijanja potraživanja sa dugovanjima banke mogu se vršiti samo po redoslijedu prioriteta isplata u procesu likvidacije utvrđenim Zakonom.

Član 5.

- (1) Likvidator može svojom odlukom suspendovati isplate obaveza banke prema radniku banke protiv kojeg je pokrenut postupak za utvrđivanje odgovornosti zbog toga što je svojim činjenjem, odnosno nečinjenjem doprinio lošem finansijskom stanju banke. Ova suspenzija traje do okončanja postupka utvrđivanja odgovornosti radnika.
- (2) Suspenzija iz prethodnog stava se odnosi i na lica povezana sa bankom.

Član 6.

Od ograničenja postavljenih članom 3. ove odluke su izuzeti radnici koje u postupku likvidacije banke angažuje njen likvidator i to isključivo na osnovu angažmana tokom perioda tog postupka.

Član 7.

Stupanjem na snagu ove odluke, prestaje da važi Odluka o postupku za utvrđivanje potraživanja i raspodjele aktive i pasive prilikom likvidacije banaka ("Službene novine Federacije BiH", broj: 3/03).

Član 8.

Ova odluka stupa na snagu osmog dana od dana objavljivanja u "Službenim novinama Federacije BiH".

**Broj: U.O.-10-07/17**  
**Sarajevo, 08.11.2017. godine**

**PREDSJEDNICA**  
**UPRAVNOG ODBORA**  
**mr. sc. Ljerka Marić, dipl.ecc., s.r.**